



# चरियापिटकं

राहुलसङ्किचानेन

भानन्दकोसम्मानेन

जगदीसकस्सपेन च

सम्पादितो

उत्तमभिक्षुना पकासितो

२४८१ बुद्धवच्छरे (1937 A. C.)

वीर सेवा मन्दिर  
दिल्ली



क्रम संख्या

१८४१

काल नं०

२८४

१५७

खण्ड

# चरियापिटकं

राहुलसङ्किञ्चानेन  
आनन्दकोसल्लानेन  
जगदीसकस्सपेन च  
सम्पादितो

उत्तमभिक्खुना पकासितो

२४८१ बुद्धवच्छरे (1937 A.C.)



## प्राङ्निवेदनम्

पालिवाङ्मयस्य नागराक्षरे मुद्रणं अत्यपेक्षितमिति नाविदितचरं भारती-  
येतिहासविविदिषूणाम् । सस्कृतपालिभाषयोरतिसामीप्यादपि यत् परस्महमेभ्य-  
जिज्ञासुभ्यः संस्कृतजेभ्यः पालिग्रन्थराश्यवगाहनं दुष्करमिव प्रतिभाति तत् लिपि-  
भेदादेव । एतदर्थमयमस्माकमभिनवः प्रयासः । अत्र नूतना अपि पाठभेदाः निघेया  
इत्यासीदस्माकं मनीषा परं कालात्ययभीत्याऽत्र प्रथमभागे धम्मपदादन्यत्र न तत्  
कृतमभूत् । अथोटिप्पणीषु सन्निवेशिताः पाठभेदाः । प्रायः Pali Text Society  
मुद्रितेभ्यो ग्रन्थेभ्य उद्धृताः ।

अर्थसाहाय्यं विना अस्मत्समीहितं हृदि निगूहितमेव स्यात् । तत्र भदन्तेन  
उत्तमस्थविरेण साहाय्यं प्रदाय महदुपकृतमिति निवेदयन्ति—

कार्तिकशुक्लैकादश्यां  
२८८० बुद्धाब्दे

राहुलः सांकृत्यायनः  
आनन्दः कौसल्यायनः  
जगदीशः काश्यपश्च



## सूची

### पठमो परिच्छेदो

	दानपारमिता	पृष्ठ
१. अकित्तिचरियं	.. .. .	१
२. सङ्गखचरियं	.. .. .	२
३. कुसुधम्मचरियं	.. .. .	३
४. महासुदस्मत्तचरियं	.. .. .	३
५. महागोविन्दचरियं	.. .. .	४
६. निमिराजचरियं	.. .. .	५
७. चन्दकुमारचरियं	.. .. .	५
८. निविराजचरियं	.. .. .	६
९. वेस्मन्तरचरियं	.. .. .	७
१०. गसपण्डितचरियं	.. .. .	११

### दुतियो परिच्छेदो

	सीलपारमिता	
१. सीलवनागचरियं	.. .. .	१४
२. भूरिदत्तचरियं	.. .. .	१५
३. चम्पेय्यनागचरियं	.. .. .	१५
४. चूलबोधिचरियं	.. .. .	१६
५. महिमराजचरियं	.. .. .	१७
६. रुहराजचरियं	.. .. .	१८
७. मानङ्गचरियं	.. .. .	१९
८. धम्माधम्मदेवपुत्तचरियं	.. .. .	१९
९. जयदिमचरियं	.. .. .	२०
१०. सङ्खपालचरियं	.. .. .	२१



## ततियो परिच्छेदो

### नेखम्म पारमिता

१. युधञ्जयचरियं	..	..	२२
२. सोमनस्सचरियं	..	..	२२
३. अयोधरचरियं	..	..	२४
४. भीसचरियं	..	..	२४
५. सोणपण्डितचरियं	..	..	२५

## चतुत्थो परिच्छेदो

### अधिट्ठानपारमिता

१. तेमियचरियं	..	..	२६
---------------	----	----	----

## पञ्चमो परिच्छेदो

### सच्चपारमिता

१. कपिराजचरियं	..	..	२८
२. सच्चसव्हयपण्डितचरियं	..	..	२८
३. वट्टपोतकचरियं	..	..	२८
४. मच्छराजचरियं	..	..	२९
५. कण्हदीपायनचरियं	..	..	३०
६. सुतसोमचरियं	..	..	३१

## छट्ठो परिच्छेदो

### भेत्तापारमिता

१. सुवण्णसामचरियं	..	..	३३
२. एकराजचरियं	..	..	३३

### उपेक्खापारमिता

३. महालोमहंसचरियं	..	..	३५
-------------------	----	----	----

नमो तस्स भगवतो अरहतो सम्मासम्बुद्धस्स ॥

## चरियापिटकं

पठमो परिच्छेदो

### दानपारमिता

#### १-अकित्ति-चरियं<sup>१</sup> ।

कप्पे च सत-सहस्से चतुरो च असङ्खेय्ये  
एत्थ'न्तरे यं चरितं सब्बं तं बोधिपाचनं ॥१॥  
अतीतकप्पे चरितं ठपयित्वा भवाभवे  
इमं हि कप्पे चरितं पवक्खिस्सं सुणोहि मे ॥२॥  
यदा आहं (अहं) ब्रह्मरञ्जे सुञ्जे विविनकानने  
अज्झोगाहेत्वा विहरामि अकत्तिनाम तापसो ॥३॥  
तदा मं तपतं जेन सन्नत्तो तिदिवाधिभू<sup>२</sup>  
धारेन्तो ब्राह्मणवण्णं भिक्खाय मं उपागमि ॥४॥  
पवणा आभटं पण्णं अनेलञ्च अलोणिकं  
मम द्वारे ठितं दिस्वा सकटाहेन आकिरिं ॥५॥  
तस्स दत्तवान'हं पण्णं निक्कुज्जित्तवान भाजनं  
पुणेसनं जहित्तवान पारिंसि पण्णसालकं ॥६॥  
दुत्तियम्पि तत्तियम्पि उपगञ्छि मम'न्निकं  
अकम्पितो अनोलगो एवमेवमदा'सहं (एवमेव अदास'हं ) ॥७॥

<sup>१</sup> Cf. Akitti-Jātaka, Jātaka, Vol. IV, 236-42.

<sup>२</sup> इन्द्रः

न मे तप्पच्चया अत्थि सरीरस्मि विवण्णियं  
पीतिमुखेन रतिया वीतिनामेमि तं दिवं ॥८॥  
यदि मासम्पि द्वेमासं दक्खिण्येयं वरं लभे  
अकम्पितो अनोलीनो ददेय्यं दानमुत्तमं ॥९॥  
न तस्स दानं ददमानो यसं लाभञ्च पत्थायि  
सब्बञ्जतं पत्थयानो तानि कम्मानि आचरिन्ति ॥१०॥

## २-सङ्खचरियं<sup>१</sup> ।

पुनापरं यदा होमि ब्राह्मणो सङ्खसम्बन्धो  
महासमुद्दं तरितुकामो उपगच्छामि पट्टनं ॥१॥  
तत्थ'द्वसामि (तत्थ अदस्सि ) पट्ठिपथे मयम्भुमपराजितं  
कन्तारद्धानं पट्ठिपन्नं तत्ताय कठितभूमिया ॥२॥  
तमहं पट्ठिपथे दिस्वाइममत्थं विचिन्तयि  
इदं खेत्तं अनुपत्तं पुञ्जाकामम्म जन्तुनो ॥३॥  
यथापि कस्सको पुरिसो खेत्तं दिस्वा महागमं  
तत्थ बीजं न रोपेति न सो धञ्जो अत्थिको ॥४॥  
एवमेवाहं पुञ्जाकामो दिस्वा खेत्तवरत्तमं  
यदि तत्थ कारं न करोमि नाहं पुञ्जो अत्थिको ॥५॥  
यथा अमच्चो मुद्दिकामो रञ्जो अन्तेपुरे जने  
न देति तेसं धनधञ्जं मुद्दिनो परिहायति ॥६॥  
एवमेवाहं पुञ्जाकामो विपुलं दिस्वान दक्खिणं  
यदि तस्स दानं न ददामि परिहायिस्सामि पुञ्जतो ॥७॥  
एवाहं चिन्तयिन्वान ओरोहिन्वा उपाहता  
तरम पादानि वन्दित्वा अदामि छत्तु पाहतं ॥८॥  
तनेवाहं सतगुणतो मुखुमाणो मुखे ठितो  
अपि च दानं परिपुरेत्तो एवं तस्स अदासहं ति ॥९॥

<sup>१</sup> Cf. Saṅkha-pāla-Jātaka, Jātaka, Vol. V, pp. 161-71.

३-कुरुधम्मचरियं<sup>१</sup> ।

पुनापरं यदा होमि इन्दपट्टं<sup>२</sup> (इन्दपत्ते) पुरुत्तमे  
 राजा धनञ्जयो नाम कुसले दसहृपागतो ॥१॥  
 कालिङ्गरट्टा विसया ब्राह्मणा उपगच्छुं (उपगच्छु) मं  
 आयाचुं मं हत्थिनागं धञ्जं मङ्गलसम्मतं ॥२॥  
 अबुट्टिको जनपदो दुब्भिक्षो छातको महा  
 ददाहि पवरं नागं नीलं अङ्गजनसव्हयं ॥३॥  
 न मे याचकमनुपत्ते पटिकखेपो अनुच्छवो  
 मा मे भिज्जि समादानं दस्सामि विपुलं गजं ॥४॥  
 नागं गहेत्वा सोण्डाय भिङ्गकारे रतनामये  
 जलं हत्थे आकिरित्वा ब्राह्मणानं अदं गजं ॥५॥  
 तस्मि नागे पदिन्नमिह अमच्चा एतदब्रवुं  
 किन्तुतुय्हं वरं नागं याचकानं पदस्ससि ॥६॥  
 धञ्जं मङ्गलसम्पन्नं सङ्गामविजयुत्तमं  
 तस्मि नागे पदिन्नमिह किन्ते रज्जं करिस्सतीति ॥७॥  
 रज्जम्पि मे ददे मव्वं सरीरं दज्जमत्तनो  
 सब्बञ्जतं पियं मय्हं तस्मा नागमदासहन्ति ॥८॥

४-महासुदस्मनचरियं<sup>३</sup> ।

कुसावर्तमिह नगरे यदा आसि महीपति  
 महासुदस्सना नाम चक्कवत्ती महव्वय्यो ॥१॥  
 तत्थाहं दिवसे तिक्खत्तुं घोसापेमि तहिं तहिं  
 को किं इच्छति पत्थेति कस्म किं दीयतु धनं ॥२॥

<sup>१</sup> Cf. Kurudhamma Jātaka, Jātaka, Vol. II, 365-381.

<sup>२</sup> Capital city of Kurus.

<sup>३</sup> Cf. Mahā Sudassana Jātaka, Jātaka, Vol. I, 391-393.

को छातको को तसितो को मालं को बिलेपनं  
 नानारत्तानि वत्थानि को नग्गो परिदहिस्सति ॥३॥  
 को पथे छत्तमादेति कोपाहता मुदुसभा  
 इति सायञ्च पातो च घोसापेमि तहिं तहिं ॥४॥  
 न तं दसमु ठानेमु न पि ठानसतेमु वा  
 अनेकसत्तट्ठानेमु पटियत्तं याचके धनं ॥५॥  
 दिवा वा यदि वा रत्ती यदि एति वनीपको (वनिब्बके)  
 लद्धा यदिच्छिकं भोगं पुरहत्थो व गच्छति ॥६॥  
 एवरूपं महादानं <sup>१</sup>अदासिं यावजीविकं  
 नपाहं देस्सं धनं दम्मि पि नत्थि निचयो मयि ॥७॥  
 यथापि आतुरो नाम रोगतो परिमुत्तिया  
 धनेन वज्जं तप्पेत्वा रोगतो परिमुच्चति ॥८॥  
 तथेवाहं जानमानो परिपूरेतुमसेसतो  
 ऊनधनं पूरयितुं देमि दानं वनीपके (वनिब्बके)  
 निगल्लयो अपच्चायो सम्बोधिमतुपत्तियाति ॥९॥

### ५—महागोविन्दचरियं<sup>२</sup> ।

पुत्तापरं यदा होमि सत्तराजपुरोहितो  
 पूजितो नरदेवेहि महागोविन्दो ब्राह्मणो ॥१॥  
 तदाहं सनरज्जेमु यं मे आसि उपायनं  
 तेन देमि महादानं अक्खोव्वं सागरूपमं ॥२॥  
 न मे देस्सं धनधञ्जं न पि नत्थि निचयो मयि  
 सब्बञ्जुत्तं पियं मय्हं तस्मा देमि वरं धनन्ति ॥३॥

<sup>१</sup> In the P.T.S. edition, it is mahabbhalo which is incorrect.

<sup>२</sup> Cf. Mahā Govinda Suttanta, Digha.N., Vol. II.

### ६—निमिराजचरियं<sup>१</sup> ।

पुनापरं यदा होमि मिथिलायं<sup>२</sup> पुरूत्तमे  
 निमि नाम महाराजा पण्डितो कुसलत्थिको ॥१॥  
 तदाहं मापयित्वान चतुसालं चतुमुखं  
 तत्थ दानं पवत्तेसि मिग—पक्खि—नरादीनं ॥२॥  
 अच्छादनञ्च मयनञ्च अन्नपानञ्च भोजनं  
 अब्भोच्छिन्नं करित्वान महादानं पवत्तयि ॥३॥  
 यथापि सेवको सामि धनहेतुमुपागतो  
 कायेन वाचा मनसा आराधनीयमेसति ॥४॥  
 तथे'वाहं सब्बभवे परियेस्सामि बोधिजं  
 दानेन सत्ते तप्पेत्वा इच्छामि बोधिमुत्तमन्ति ॥५॥

### ७—चन्दकुमारचरियं<sup>३</sup> ।

पुनापरं यदा होमि एकराजस्स अन्नजो  
 नगरे पुप्फवतिया<sup>४</sup> कुमारो चन्दमव्हयो ॥१॥  
 तदाहं यजना मुत्तो निक्खन्तो यञ्जवाटको (पानतो, वाटतो)  
 मवेगं जनयित्वान महादानं पवत्तयि ॥२॥  
 नाहं पित्रामि स्वादामि न पि भुञ्जामि भोजनं  
 दक्खिण्यं अदत्तवान अपि छप्पञ्चरत्तियो ॥३॥  
 यथापि वाणिजो नाम कत्तवान भण्डमञ्चयं  
 यत्थ लाभो महा होति तत्थाहरति (तत्थनं हरति ) भण्डकं ॥४॥  
 तत्थेव सकभुत्तापि परे दिन्नं महप्फळं  
 तस्मा परस्स दानञ्चं सत्तभागो भविस्सति ॥५॥

<sup>१</sup> Cf. Nimi Jātaka, Vol. VI, 95-129.

<sup>२</sup> Capital of the Videhas.

<sup>३</sup> Cf. Khaṇḍahāla Jātaka, Jātaka, Vol. VI, 129-155.

<sup>४</sup> Another name of Benares (Jātaka, Vol. IV, p. 119).

एतमत्यवसं ज्ञत्वा देमि दानं भवाभवे  
न पटिक्कमामि दानतो सम्बोधिमनुत्तिर्याति ॥६॥

### ८-सिविराजचरियं<sup>१</sup> ।

अरिटुसव्हये<sup>२</sup> नगरे सिवि नामासि खन्तियो  
निसज्ज पासादवरे एवं चिन्तेसऽहं तदा ॥१॥  
यं किञ्चि मानुमं दानं अदिन्नं मे न विज्जति  
यो पि याचेय्य मं चक्खुं ददेय्यं अविकम्पितो ॥२॥  
मम सङ्कप्पमञ्ज्जाय सक्को देवानमिस्सरो  
निसिन्नो देवपरिसाय इदं वचनमब्रवी ॥३॥  
निसज्ज पासादवरे मिविगज्जा महिद्धिको  
चिन्तेन्तो विविधं दानं अदेय्यं सो न पम्मति ॥४॥  
तथं नु वितथन्नेतं हन्द विमसयामि तं  
मुहुत्तं आगमेय्याथ याव जानामि तं मनन्ति ॥५॥  
पवेधमानो फलितसिरो बलितगन्तो जगत्तुरो  
अन्धवण्णो व हुत्वान राजानं उपसङ्कमि ॥६॥  
सो तदा पग्गहेत्वान वामं दक्खिणवाहं च  
सिरस्मि अञ्जलिं कत्वा इदं वचनमब्रवी ॥७॥  
याचामि तं महाराज धम्मिकं रटु वड्डन  
तव दानरता किति उग्गता देवमानुमे ॥८॥  
उभोपि नेत्ता नयना अन्धा उपहता मम  
एकं मे नयनं देहि त्वम्पि एकेन यापय (यापया) नि ॥९॥  
तस्साहं वचनं मुत्वा हट्ठो संविग्गमानयो  
कतञ्जली वेदजातो इदं वनमब्रवी ॥१०॥  
इदानीहं चिन्तयित्वा (चिन्तयित्वा) पासादतो इधागतो  
त्वं मम चिन्तमञ्ज्जाय नेत्तं याचितुमागतो ॥११॥

<sup>१</sup> Cf. Sivi-Jātaka, Jātaka, Vol. IV, 401-412.

<sup>२</sup> Capital of Sivi Kingdom.

अहो मे मानसं सिद्धं सङ्कण्णो परिपुरितो  
 अदिन्नपुब्बं दानवरं अज्ज दस्मामि याचके ॥१२॥  
 एहि सीवक उट्ठेहि मा दन्तयि मा<sup>०</sup> पवेधयि  
 उभोपि नयने देहि उप्पाट्ठेत्वा वनिच्चके (वनिच्चके) ॥१३॥  
 ततो सो चादितो मय्हं सीवको वचनं करो  
 उट्ठरित्वान पादासि तालमिज्जं व याचके ॥१४॥  
 ददमानस्स दन्तस्स दिन्नदानस्स मे सतो  
 चित्तस्स अज्जया नत्थि बोधिया येव कारणा ॥१५॥  
 न मे दस्सा उभो चक्खू अत्ता न मे न देस्सियां  
 सब्बज्जुतं पियं मय्हं तस्मा चक्खू अदामहन्ति (अदासिहन्ति) ॥१६॥

### ९-वेस्सन्तरचरियं<sup>१</sup> ।

या मे अहोमि जनिक्का फुस्सती नाम ग्नितया  
 सा अतीतामु जातिमु मक्कम्म च महेसिया ॥१॥  
 तस्मा आयुक्खयं दिस्वा देविन्दो एतदब्रविः—  
 ददामि ते दस वरे (वरं ) वर भट्ठे यदिच्छमीति ॥२॥  
 एवं वृत्ता च सा देवी सक्कं पुग्गिन्द (पुग्गिन्द) मब्रवि  
 किन्तु मे अपराधत्थि किन्तु देस्साअहन्तव  
 रम्मा चावेसि मं ठाना वातो व धरणिं रुहन्ति ॥३॥  
 एवं वृत्ते च गो मक्कं पुन तम्पोदमब्रवि (तम्मीदमब्रवि)  
 न चेव ते कतं पापं न च मे त्वममि अप्पिया ॥४॥  
 एत्तकं येव ते आयुं चवत्तकालो भविस्सति  
 पट्टिगण्हमयादिन्ने वरे दस वरुत्तमेति ॥५॥  
 सक्के न सा दिन्नवरा तुट्ठहट्ठा पमोदिता  
 ममं अट्ठमन्नरं कत्वा फुस्सती दस वरे वरी ॥६॥

\* Sinhalese edition omits this **मा**

<sup>१</sup> Vessantara Jātaka, Jātaka, Vol. VI, 479-539.



ततो चुता सा फुसती खत्तिये उपपज्जथ  
 जेतुत्तरम्हि नगरे<sup>१</sup> सञ्जयेन समागमि ॥७॥  
 यदाहं (तदाहं) फुसतिया कुञ्छि ओक्कन्तो पियमातुया  
 मम तेजेन मे माता सदा दानरता अहु ॥८॥  
 अधने आतुरे जिण्णे याचके पट्टिके जने  
 समणब्राह्मणे खीणे देति दानं अकिञ्चने ॥९॥  
 दसमासे धारयित्वान करोन्ते पुरपदक्खिणं  
 वस्सानं वीथिया मज्झे जनेसि फुसती ममं ॥१०॥  
 न मय्हं मेत्तिकं नामं न पि मेत्तिकसम्भवं  
 जातोम्हि वेस्सवीथिया तस्मावेस्सन्तरो अहु ॥११॥  
 यदाहं दारको होमि जातिया अट्टवस्सिको  
 तदा निसज्ज पासादे दानं दातुं विचिन्तयि ॥१२॥  
 हृदयं ददेय्यं चक्खुं मंसम्पि रुहिरम्पि च  
 ददेय्यं कायं याचेत्वा (सावेत्वा) यदि कोचि याचयेममं ॥१३॥  
 सभावं चिन्तयन्तस्स अकम्पितमसण्ठितं  
 अकम्पि तत्थ पठवी सिनेरुवनवटं सका ॥१४॥  
 अद्दद्धमासे पण्णरसे पुण्णमासे उपोसथे  
 पच्चयं नागमारुह् दानं दातुं उपागमि ॥१५॥  
 कालिङ्गरट्ट विसया ब्राह्मणा उपगच्छुं मं  
 आयाचुं मं हत्थिनागं (पच्चयं नागं) धञ्जमङ्गलमम्मनं ॥१६॥  
 अवुट्ठितो जनपदो दुब्भिक्खो छानको महा  
 ददाहि पवरं नागं सब्बसेतं गजुत्तमं ॥१७॥  
 ददामि न विकम्पामि यं मं याचन्ति ब्राह्मणा  
 सन्तं नण्टिगुहामि दाने मे रमती मनो ॥१८॥  
 न मे याचक मनुपत्ते पट्टिक्वेपो अनुच्छवो  
 मा मे भिज्जि समादानं दस्सामि विपुलं गजं ॥१९॥  
 नागं गहेत्वा सोण्डाय भिङ्गकारे रतनामये  
 जलं हत्थे आकिरित्वा ब्राह्मणानं अदं गजं ॥२०॥  
 पुनापरं ददन्तस्स सब्बसेतं गजुत्तमं  
 तदापि पठवी कम्पि सिनेरुवनवटंसका ॥२१॥

<sup>१</sup> Capital of Vessantara in the Kingdom of Sivi.

तस्स नागस्स दानेन सिवयो कुद्धा समागता  
 पब्बाजेसुं सका रट्ठा वड्ढकं गच्छतु पब्बतं ॥२२॥  
 तेसं निच्चुभमानानं अकम्पितमसण्ठितं  
 महादानं पवत्तेतुं एकं वरमयाचिस्सं ॥२३॥  
 याचिता सिवयो सब्बे एकं वरमदंसु मे  
 आयाच (आसाव) यित्वा कण्णभेरिं महादानं ददाम'हं ॥२४॥  
 अथेत्थ वत्तति सद्दो तुमुलो भेरवो महा  
 दानेन मं नीहरन्ति पुन दानं ददाम'हं ॥२५॥  
 हत्थी अस्से रथे दत्त्वा दासी दासं गवन्धनं  
 महादानं ददित्वान नगरा निक्खामि तदा ॥२६॥  
 निक्खमित्वान नगरा निवत्तित्वा विलोकिते  
 तदापि पठवी कम्पि सिनेस्वनवटंसका ॥२७॥  
 चतुवाहिं रथं दत्त्वा ठत्वा चानुमहापथे  
 एकाकियो अदुतियो मद्दिदेवि इदमब्रवि ॥२८॥  
 त्वं मद्दिक्कहं गण्हाहि लहुका एसा कनिट्ठका  
 अहं जालिं गहेस्सामि गरुको भातिको हि सो ॥२९॥  
 पदुमं पुण्डरीकं व मही कण्हाजिनमग्गही  
 अहं सुवण्णविम्बं व जालिं खत्तियमग्गहि  
 जलं हत्थे आकिरित्वा ब्राह्मणानं अदं गजं ॥३०॥\*  
 अभिजाता सुखुमाला खत्तिया चतुरो जना  
 विसम समं अक्कमन्ता वड्ढकं गच्छाम पब्बतं ॥३१॥  
 ये केचि मनुजा यन्ति अनुमग्गे पटिपथे  
 मग्गन्ते पटिपुच्छाम कुहिं वड्ढकतपब्बतो ॥३२॥  
 ते तत्थ अम्हे पस्सित्वा करुणं गिरमुदीरयुं  
 दुक्खन्ते पटिवेदेन्ति दूरे वड्ढकतपब्बतो ॥३३॥  
 यदि पस्सन्ति पवने दारका फलिते दुमे  
 तेसं फलानं हेतुम्हि उपरोदन्ति दारका ॥३४॥  
 रोदन्ते दारके दिस्वा उब्बिधा विपुला दुमा  
 सयमेव ओणमित्वान उपगच्छन्ति दारके ॥३५॥

\* Sinhalese edition omits this line.

इदमच्छरियं दिस्वा अब्भुतं लोमहंसनं  
 साधुकारं पवत्तेसि मही सब्बङ्गसोभना ॥३६॥  
 अच्छरं तवलोकस्मि अब्भुतं लोमहंसनं  
 वेस्सन्तरस्स तेजेन सयमेव ओणता दुमा ॥३७॥  
 मङ्गिखपिसु पथं यक्खा अनुकम्पाय दारके  
 निक्खवन्तदिवसेनेव चेतनट्टमुपागमुं ॥३८॥  
 सट्ठि राजमहस्सानि तदावसन्ति मानुला  
 सब्बे पञ्जलिका हुत्वा रोदमाना उपागमुं ॥३९॥  
 तत्थ वत्तेत्वा सल्लापं चेतेहि चेतपुत्तेहि  
 ते ततो निक्खमित्वान वङ्ककं अगमुं पव्वतं ॥४०॥  
 आमन्तयित्वा देविन्दो विस्सुकम्मं महिद्धिकं  
 अस्समं सुकटं रम्मं पण्णसालं सुमापय ॥४१॥  
 सक्कस्स वचनं सुत्वा विस्सुकम्मो महिद्धिको  
 अस्समं सुकटं रम्मं पण्णसालं सुमापयि ॥४२॥  
 अञ्जोगाहेत्वा पवनं अण्णसहं निराकुलं  
 चतुरो जना मयं तत्थ वसाम पव्वतन्तरे ॥४३॥  
 अहञ्च मही देवी च जालिकण्हाजिना चुभो  
 अञ्जमञ्जं सोकनुदा वसाम अस्समे तदा ॥४४॥  
 दारके अनुरक्खन्तो अमुञ्जो होमि अम्ममे  
 मही फलं आहरति पोमंति सा तयो जने ॥४५॥  
 पवने वसमानस्स अद्धिको मं उपागमि  
 आयाचि पुत्तके मय्हं जालिकण्हाजिने चुभो ॥४६॥  
 याचकमुपगतं दिस्वा हासो मे उपपज्जथ  
 उभो पुत्ते गहेत्वान अदासि ब्राह्मणे तदा ॥४७॥  
 सकं पुत्ते चन्तस्स याचकं ब्राह्मणे यदा  
 तदापि पठवी कम्मि सिनेरुवनवटंसका ॥४८॥  
 पुनदेव सक्को ओरुह् हुत्वा ब्राह्मणसन्निभो  
 आयाचि मं महिदेवि सीलवति पतिव्वतं ॥४९॥  
 महिं हत्थे गहेत्वान उदकञ्जलिं पूर (रि) य  
 पसन्नमनसङ्कण्णो तस्स महिं अदासहं ॥५०॥  
 महिया दीयमानाय गगने देवा पमोदिता  
 तदापि पठवी कम्मि सिनेरुवनवटंसका ॥५१॥

जालिकण्हाजिनं धीतं मद्दिदेवि पतिव्वतं  
 चज्जमानो न चिन्तेसि बोधिया येव कारणा ॥५२॥  
 न मे देस्सा उभो पुत्ता मद्दी देवी न देस्सिया  
 सब्बज्जु तं पियं मय्हं तस्मा पिये आदाम'हं ॥५३॥  
 पुत्तापरं ब्रह्मरज्जो मातापितुसमागमे  
 करुणं परिदेवन्ते सल्लपन्ते सुखं दुक्खं ॥५४॥  
 हिरोत्तप्पेन गरुणा उभिन्नं उपसङ्गमि  
 तदापि पठवी कम्पि सिनेरुवनवटंसका ॥५५॥  
 पुत्तापरं ब्रह्मरज्ज्जा निक्खमित्वा सज्जातिभि  
 पविस्सामि पुरं रम्मं जेतुत्तरं पुरुत्तमं ॥५६॥  
 रतनानि सत्त वस्सिमु म्हामेधो पवस्सथ  
 तदापि पठवी कम्पि सिनेरुवनवटंसका ॥५७॥  
 अचेतनायं पठवी अधिज्जाय सुखं दुक्खं  
 सापि दानवला मय्हं सत्तक्खत्तुं पक्कमथाति ॥५८॥

### १०-ससपण्डितचरियं<sup>१</sup> ।

पुत्तापरं यदा होमि ससको पवनचारिको  
 तिणपण्णसाकफलभक्खो परहेटनविज्जितो ॥१॥  
 मक्कटो च सिङ्गालो च उट्ठपोतो चऽहं तदा  
 वसाम एकसामन्ता साथं पातो पदिस्सरे ॥२॥  
 अहं ते अनुसासामि किरिये कल्याणपापके  
 पापानि परिवज्जेथ कल्याणे अभिनिस्सथ ॥३॥  
 उपोमथांहे दिवसे चन्दं दिस्वान पुरितं  
 एतेसं तत्थ आचिक्ख दिवसो अज्जुपोमथो ॥४॥  
 दानानि पटियादथ दक्खिण्येयस्स दानवे  
 दत्त्वा दानं दक्खिण्यं उपवम्सथुपोसथं ॥५॥  
 ते मे साधूति वत्तवान यथासत्ति यथावलं  
 दानानि पटियादत्त्वा दक्खिण्यं गवेसिस्सु ॥६॥

<sup>१</sup> Cf. Sasa-Jātaka, Jātaka, Vol. III, 51-56.

अहं निसज्ज चिन्तेसि दानं दक्खिणत्तच्छवं  
 यदिहं लभे दक्खिणेय्यं किं मे दानं भविस्सति ॥७॥  
 न मे अत्थि तिला मुग्गा मासावा तण्डुला घृतं  
 अहं तिणेन यापेमि न सक्का तिणं दातवे ॥८॥  
 यदि कोचि एति दक्खिणेय्यो भिक्खाय मम सन्ति के  
 दज्जाहं सकमत्तानं नसो तुच्छो गमिस्सति ॥८॥  
 मम सङ्कप्पमञ्ज्जाय सक्को ब्राह्मणवणिग्गना  
 आसयं मे उपागञ्छि दानवीमंसनाय मे ॥१०॥  
 तमहं दिस्वान सन्तुट्ठो इदं वचनमब्रवी  
 साधु खोसि अनुपत्तो घासहेतु ममन्तिके ॥११॥  
 अदिन्नपुब्बं दानवरं अज्ज दस्सामि ते अहं  
 तुवं सीलगुणूपेतो अयत्तं ते परहेठनं ॥१२॥  
 एहि अग्गि पदीपेहि नानाकट्टे समानय  
 अहं पचिस्समत्तानं पक्कं त्वं भक्खयिस्समीति ॥१३॥  
 साधूति सो हट्ठमनो नानाकट्टे समानयि  
 महन्तं अकासि चित्तकं कत्वान'ङ्गारगब्भकं ॥१४॥  
 अग्गिं तत्थ पदीपेति यथा सो खिप्पं महाभवे  
 फोटेट्वा राजगते गत्वा एकन्तं उपाविसि ॥१५॥  
 यदा महा कट्ठपुञ्जो आदित्तो धूममायति  
 तदुप्पतित्वा पपति मज्जे जालसिखन्तरे ॥१६॥  
 यथा सीतोदकं नाम पविट्ठं यस्सकस्सच्चि  
 समेति दरथं परिल्लाहं अस्सादं देति पीति च ॥१७॥  
 तथेव जलितं अग्गिं पविट्ठस्स ममं तदा  
 सब्बं समेति दरथं यथा सीतोदकं विय ॥१८॥  
 छविचम्मं मंसं नहारं अट्ठिहृदयवन्धनं  
 केवलं सकलं कायं ब्राह्मणस्स अदास'हंति ॥१९॥  
 अकत्ति ब्राह्मणो सङ्खो कुरुराजा धनञ्जयो  
 महासुदस्सनो राजा महागोविन्द ब्राह्मणो ॥२०॥  
 निमि चन्दकुमारो च सिवि वेस्सन्तरो सस्रो  
 अहमेव तदा आसि यो ते दानवरे अदा ॥२१॥  
 एते दानपरिक्खारा एते दानस्स पारमी  
 जीवितं याचके दत्त्वा इदं पारमी पूरियं ॥२२॥

भिक्षुवायुपगतं दिस्वा सकत्तानं परिच्चर्जि  
दानेन मे समो नञ्जि एसा मे दानपारमीति ॥२३॥  
दानपारमिता निट्ठिता ॥

---

दुतियो परिच्छेदो

## सीलपारमिता

### १-सीलवनागचरियं<sup>१</sup> ।

यदा अहोसि पवने कुञ्जरो मातुपोसको  
न तदा अत्थि महिया गुणेन मम सादिसो ॥१॥  
पवने दिस्वा वनचरो रञ्जो मं पटिवेदयि  
तवनुच्छवो महाराज गजो वसति कानने ॥२॥  
न तस्स परिक्रायत्थो न पि आलककासुया  
समागहिते सोण्डाय सयमेव उवेहिति ॥३॥  
तस्स तं वचनं मुत्वा राजापि तुट्टमानसो  
पेमेसि हत्थिदमकं छेकाचरियं सुसिक्खितं ॥४॥  
गन्त्वान सो हत्थिदमको अदस्स पदुमस्सरे  
भिसमूलं (मूलालं) उद्धरन्तं यापनत्थाय मानुया ॥५॥  
विञ्ज्जाय मे सीलगुणं लवखणं उपधारयि  
एहि पुत्ताति वत्वान मम सोण्डाय अग्गहि ॥६॥  
यम्म तदा पाकनिकं सरीरानुगतं बलं  
अज्जनागसहस्सानं बलेन समसादिसं ॥७॥  
यदिहं तेसं पकुप्पेय्यं उपेतं गह्णाय मं  
पटिवलो भवे तेसं याव रज्जम्पि मानुसं ॥८॥  
अपि चाहं सीलरक्खाय सीलपारमिपूरिया  
न करोमि चित्ते अज्जत्थत्तं पक्खिपन्तं ममालके ॥९॥  
यदि ते मं तत्थ कोट्ठेय्युं फरमूहि तोमरेहि च  
नेव तेसं पकुप्पेय्यं सीलखण्डभया ममाति ॥१०॥

<sup>१</sup> Cf. Silavanāga Jātaka, Jātaka, Vol. I, pp. 319-322.

## २-भूरिदत्तचरियं ।<sup>१</sup>

पुनापरं यदा होमि भूरिदत्तो महिद्धिको  
 विरूपक्खेन महारञ्ज्या देवलोकमगञ्छ (छ) हं ॥१॥  
 तत्थ पस्सित्वाहं देवे एकन्तं सुखसमप्पिते  
 तं मग्गं गमनत्थाय सीलव्वतं समादरियं ॥२॥  
 सरीरकिच्चं कत्वा न भूत्वा यापनमत्तकं  
 चतुरो अङ्गो अधिद्वाय सेमि वम्मिकमुद्धनि ॥३॥  
 छविआ चम्मेन मसेन नहारु अट्टिके हि वा  
 यस्स एतेन करणीयं दिस्सं येव हरातु सो ॥४॥  
 संमितो अकनञ्जुना आलम्पानो ममग्गहि  
 पेलाय<sup>२</sup> पक्खिपेत्थान कीलेति मं तहिं तहिं ॥५॥  
 पेलाय पक्खिपन्तेपि सम्मद्दन्ते पि पाणिना  
 आल (म्बने) म्पानेन न कुप्पामि सीलखण्डभया मम ॥६॥  
 सकजीवितपरिच्चागो तिणतो लहुको मम  
 सीलवीट्टिकमो मय्हं पठवी उप्पत्तना विय ॥७॥  
 निरन्तरं जातिसत्तं चज्जेय्यं मम जीवितं  
 नेव सीलं पभिन्देय्यं चतुदीपान हेतु पि ॥८॥  
 अपि चाहं सीलरक्खाय सीलपारमिपूरिया  
 न करोमि चित्ते अञ्जयत्तं पक्खिपन्तम्मि पेल्के ति ॥९॥

## ३-चम्पेय्यनागचरियं<sup>३</sup> ।

पुनापरं यदा होमि चम्पेय्यको महिद्धिको  
 तदापि धम्मिको आसि (मि) सीलव्वनसमप्पितो ॥१॥  
 तदापि मं धम्मचारिं उपवृद्धं उपोसथं  
 अहिकुण्डिको गहेत्थान राजदारम्मि कीलति ॥२॥

<sup>१</sup> Cf. Bhūridatta-Jātaka, Jātaka, Vol. VI, 157-219.

<sup>२</sup> Snake charmer's basket where the snakes are kept.

<sup>३</sup> Cf. Campeyya Jātaka, Jātaka, Vol. IV, pp. 454-468.



यं सोवणं चिन्तयति नीलपीतं व लोहितं  
 तस्स चित्तानुवत्तन्तो होमि चिन्तितसन्निभो ॥३॥  
 थलं करेय्यं उदकं उदकम्पि थलं करे  
 यदि हं तस्स पकुप्पेयं खणेन छारिकं करे ॥४॥  
 यदि चित्तवसी हेस्सं परिहायिस्सामि सीलतो  
 सीलेन परिहीनस्स उत्तमत्थो न सिज्झति ॥५॥  
 कामं भिज्जतु यं कायो इधेव विकिरीयतु  
 नेव सीलं पभिन्देय्यं विकिरन्ते भुसं विया ति ॥६॥

### ४-चूलबोधिचरियं<sup>१</sup> ।

पुनापरं यदा होमि चूलबोधिं सुसीलवा  
 भवं दिस्वान भयतो नेक्खम्मं अभिनिक्खमि ॥१॥  
 यामे दुत्तियिका आसि ब्राह्मणी कनकसन्निभा  
 सा विवट्ठे अनपेक्खा नेक्खम्मं अभिनिक्खमि ॥२॥  
 निरालया छिन्नभट्ठ अनपेक्खाकुले गणे  
 चरन्ता गामनिगमं वाराणसिमुपागमं ॥३॥  
 तत्थ वसाम निपका अंसट्ठा कुले गणे  
 निराकुले अण्णसहे राजुय्याने वसामुभो ॥४॥  
 उय्यानदस्सनं गत्वा राजा अट्ठस ब्राह्मणं  
 उपगम्म मम पुच्छि तुयेसा कस्स भरियानि ॥५॥  
 एवं वुत्ते अहं तस्स इदं वचनमब्रविं  
 न मय्हं भरिया एसा सहधम्ममा एकसासनी ॥६॥  
 तस्सा सारत्ताधिगतो गाहापेत्वान चेतके  
 निष्पीलयन्तो दलसा अन्तेपुरं पवेसयि ॥७॥  
 ओदपत्तिकिया मय्हं सहजा एकसासनी  
 आकड्ढित्वा न (नि) यन्तिया कोपो मे उपपज्जथ ॥८॥  
 सह कोपे समुप्पन्ने सीलव्वतमनुस्सरिं  
 तत्थेव कोपं निगगण्हिं नादासि वुड्ढितुं (वड्ढतु) परि ॥९॥

<sup>१</sup> Cf. Cullabodhi-Jātaka, Jātaka, Vol, IV, 22-27.

यदि नं ब्राह्मणिं कोचि कोट्ठेय्य तिण्हसत्तिया  
 नेव सीलं पभिन्देय्यं बोधिया येव कारणा ॥१०॥  
 न मे सा ब्राह्मणी देस्सा न पि मे बलं न विज्जति  
 सब्बञ्जुतं पियं मय्हं तस्मा सीलानुरक्खिस्सन्ति ॥११॥

### ५-महिष-राज-चरियं<sup>१</sup> ।

पुनापरं यदा होमि महिसो (महिष) वनचार (रि) को  
 पवड्ढकायो बलवा महन्तो भीमदस्सनो ॥१॥  
 पम्भारे गिरिदुग्गे च रुक्खमूले दवासये  
 होनेत्थ ठानं महिसानं कोचि कोचि तहिं तहिं ॥२॥  
 विचरन्तो ब्रह्मारञ्जो ठानं अट्ठस भट्ठकं  
 तं ठानं उपगन्त्वा न तिट्ठामि च सयामि च ॥३॥  
 अथेत्थ कपिमागन्त्वा पापो अनरियो लह  
 खन्दे नलाटे भमुके मुत्तेति ओहनेति तं ॥४॥  
 मकिम्पि दिवसं दृतियं ततियं चतुत्थम्पि च  
 दूसेति मं सब्बकालं तेन होमि उपद्दु तो ॥५॥  
 ममं उपद्दुतं दिग्वा यक्खो मं इदमव्वि  
 नासहेतं छवं पापं मिङ्गोहि च खुरेहि च ॥६॥  
 एवं वुत्ते नदा यक्खे अहं तं इदमव्वि  
 किं त्वं मय्येमि कुणपेन पापेन अनरियेन मं ॥७॥  
 यदिहं तरम कुणेर्यं ततो हीनतरो भवे  
 सीलञ्च मे पभिज्जेय्य विञ्जू च गहरेय्युं (गरहेय्युं) मं ॥८॥  
 हीलिता जीविता वापि परिसुद्धेन मतं वरं  
 क्याहं जीवितहेतुपि काहामि परहेठनं ॥९॥  
 ममेवायं मञ्जमानो अञ्जोपेवं करिस्समि  
 ते व तत्थ वधिस्सन्ति सा मे मुत्ति भविस्समि ॥१०॥  
 हीनमज्झिमउक्कट्ठे सहन्तो अवमानितं  
 एवं लभति सप्पञ्जो मनसा यथा पन्थितन्ति ॥११॥

<sup>१</sup> Mahisa-Jātaka, Jātaka, Vol. II, 385-387.

६-रुराज-चरियं<sup>१</sup> ।

पुनापरं यदा होमि सुतत्तकनकसन्निभो  
 मिंगराजा रुरुनाम परमसीलसमाहितो ॥१॥  
 रम्मे पदेसे रम्मणीये विवित्ते अमनुस्सके  
 तत्थ वामं उपागञ्ज्झि गड्ढाक्कूले मनोदमे ॥२॥  
 अथ उपरि गड्ढाय धनिकेहि परिपीळितो  
 पुरिसो गड्ढाय पतति जीवामि वा मरामि वा ॥३॥  
 रत्ति दिवं सो गड्ढाय वुय्हमानो महोगके  
 रवन्तो करुणं रवं मज्झे गड्ढाय गच्छति ॥४॥  
 तस्साहं सद्धं सुत्वान करुणं परिदेवतो  
 गड्ढाय तीरे ठत्वान अपूच्छं कोसि त्वं नरो ॥५॥  
 सो मे पुट्ठो च व्याकासि अत्तनो कारणं तदा  
 धनिकेहि भीतो तमितो पक्खन्तोऽहं महानदिं ॥६॥  
 तस्स क्तवान कारुञ्ज्जञ्चजित्वा मम जीवितं  
 पविसित्वा नीहरिन्तस्स अन्धकारमिहं रत्तिपा ॥७॥  
 अस्सत्था कालमञ्ज्जाय तस्साहमिदमग्रावि  
 एकन्तं वरं याचामि मामं कस्सचि पावद ॥८॥  
 नगरं गन्त्वान आचिक्खि पुच्छितो धनहेतुको  
 राजानं सो गहेत्वान उपगञ्ज्झि ममन्तिकं ॥९॥  
 यावता कारणं सब्बं रञ्ज्जो आरोचितं मया  
 राजा सुत्वान वचनं उस्सुं तस्स विकप्पयि  
 ईधेव घातयिस्सामि मित्तदुब्बिमनरियं ॥१०॥  
 तमहं अनुरक्खन्तो निम्मिनि मम अत्तना :—  
 तिट्ठ ते सो महाराज कामङ्करो भवामि ते ॥११॥  
 अनुरक्खिं मम सीलं नारक्खिं मम जीवितं  
 सीलवा हि तदा आसि बोधिया येव कारणा ॥१२॥

<sup>१</sup> Cf. Ruru-Jātaka, Jātaka, Vol. IV. 255-268.

७-मातङ्ग-चरियं<sup>१</sup> ।

पुनापरं यदा होमि जटिलो उग्गतापनो  
 मातङ्गो नाम नामेन सीलवा सुसमाहितो ॥१॥  
 अहञ्च ब्राह्मणो एको गड्ढाकूले वसामुभो  
 अहं वसामि उपरि, हेट्ठा वसति ब्राह्मणो ॥२॥  
 विचरन्तो अनुकूलमिह उदं मं अस्समद्दस  
 तत्थ मं परिभासेत्वा अभिसपि मुद्धफालनं ॥३॥  
 यदिज्झं तस्स कुप्पेय्यं यदि सीलं न गोपये  
 ओलोकेत्वानज्झं तस्स करेय्यं छागिकं विय ॥४॥  
 यं सो तदा मं अभिसपि कुपितो दट्ठमानसो  
 तस्मेव मत्थकं निपति योगेन तं पमोचयि ॥५॥  
 अनुरक्खिं मम सीलं नारक्खिं मम जीविं  
 सीलवा हि तदा आसि बोधिया येव कारणाति ॥६॥

८-धम्ममाधम्मदेवपुत्त-चरियं<sup>२</sup> ।

पुनापरं यदा होमि महायक्खो महिद्धिको  
 धम्मो नाम महायक्खो मब्बलोकान्नुक्कम्पको ॥१॥  
 दसकुसलक्कम्मपथे समादपेन्तो महाजनं  
 चरामि गामनिगमं समित्तो सपरिज्जनो ॥२॥  
 पापो कदरियो यक्खो दीपेन्तो दस पावकं  
 सो पेट्थ महिया चरति समित्तो सपरिज्जनो ॥३॥  
 धम्मवार्दा अधम्मो च उभो पच्चनिका मयं  
 धुरे धुरं घट्टयन्ता समिम्हा पट्ठिपथं उभो ॥४॥  
 कलहो वत्तति अस्मा कल्याणपापकस्स च  
 मग्गा ओक्कमनत्थाय महायुद्धो उपट्ठितो ॥५॥  
 यदिज्झं तस्स पकुप्पेय्यं यदि भिन्दे तपोगुण  
 सह परिजनन्तस्स रजभूतं करेय्यज्झं ॥६॥

<sup>१</sup> Cf. Mātanga-Jātaka, Jātaka, Vol. IV, 375-390.

<sup>२</sup> Cf. Dhamma Jātaka, Jātaka, Vol. IV, pp. 100-104.

अपि चाहं सील-रक्खाय निब्बापेत्वान मानसं  
 सह जनेन ओक्कमित्वा पथं पापस्सऽदासहं ॥७॥  
 सह पथतो ओक्कन्तो कत्वा चित्तस्स निब्बुतिं  
 विवरं अदासि पठवी पापयक्खस्स तावदेति ॥८॥

---

### ९-जयद्दिस-चरियं<sup>१</sup> ।

पञ्चालरट्ठे नगरे कप्पिलायं पुरुत्तमे  
 राजा जयद्दिसो नाम सीलगुणमुपागतो ॥१॥  
 तस्स रज्ज्वा अहं पुत्तो सुतधम्मो सुसीलवा  
 अलीनसत्तो गुणवा अनुत्तर-परिज्जनो सदा ॥२॥  
 पिता मे मिगवं गत्वा पोरिसादमुपागमि  
 सो मे पितुमग्गहेसि वक्खो सि मम मा चलि ॥३॥  
 तस्स तं वचनं सुत्वा भीतो तसितवेधितो  
 उरुथ (ख) म्भो अहु तस्स दिस्वान पोरिसादकं ॥४॥  
 मिगवं गहेत्वा मुञ्चस्सु कत्वा आगमनं पुन  
 ब्राह्मणस्स धनं दत्वा पिता आमन्तयि ममं ॥५॥  
 रज्जं पुत्त पटिपज्ज मा पमज्जि पुरं इदं  
 कतं मे पोरिसादेन मम आगमनं पुन ॥६॥  
 मातापितु च वन्दित्वा निमिनित्वान अत्तानं  
 निक्खिपेत्वा धनुखग्गं पोरिसादं उपागमि ॥७॥  
 ससत्थहत्थुपगतं कदाचि सो तसिस्सति  
 तेन भिज्जिस्सति सीलं परित्तासं कते मयि ॥८॥  
 सीलखण्डभया मय्हं तस्स देस्सं न व्याहरि  
 मेत्तचित्तो हितवादी इदं वचनमब्रवी ॥९॥  
 उज्जलेहि महा अग्गिं पपतिस्सामि रुक्खतो  
 सम्पत्तकालमञ्जाय भक्खय त्वं पितामह ॥१०॥  
 इति सीलवतं हेतु नारक्खिं मम जीवितं  
 पब्बाजेसिम (ञ्चा) हं तस्स सदा पाणातिपात (ति) कं ॥११॥

---

<sup>१</sup> Cf. Jayaddisa Jātaka, Jātaka, Vol. V, 21-36.

१०-सङ्खपाल-चरियं<sup>१</sup> ।

पुनापरं यदा होमि सङ्खपालो महिद्विको  
 दाठाबुधो घोरविसो द्विजिह्वो उरुगाधिभू ॥१॥  
 चतुपथे महामगो नानाजनसमाकुले  
 चतुरो अङ्गे अधिद्वाय तत्थ वासमकप्पयि ॥२॥  
 छविया चम्मेन मंसेन नहारु-अट्टिकेहि वा  
 यस्स एतेन करणीयं दिद्वं येव हरातु सो ॥३॥  
 अद्वंसु भोजपुत्ता खरा लुद्धा अकारुणा  
 उपगञ्छुं ममं तत्थ दण्डमुग्गरपाणिनो ॥४॥  
 नासाय विनिविज्झित्वा नङ्गुट्ठे पिट्टिकण्टके  
 काजे आरोपयित्वान भोजपुत्ता हरिसु मं ॥५॥  
 ससागरन्तं पठविं सकाननं सपब्बतं  
 इच्छमानोचहं तत्थ नासवातेन ज्ञापये ॥६॥  
 मूलेहि विज्झयन्तेपि कोट्टयन्तेपि सत्तिभि  
 भोजपुत्ते न कुप्पामि एसा मे सीलपारमीति ॥७॥  
 हत्थि-नागो भूरिदत्तो चम्पेय्यो बोधिमाहिसो  
 रु मातङ्गो धम्मो च अत्रजो च जयदिसो ॥८॥  
 एते सब्बे सीलबला परिक्वारा पदेसिका  
 जीवितं परिक्वत्वा सीलानि अनुरक्खिस्सं ॥९॥  
 सङ्खपालस्स मे सतो सब्बकालम्पि जीवितं  
 यस्स कस्सचि नीयन्तं तस्मा सा सीलपारमी ॥१०॥  
 सीलपारमिनिद्वेसो निद्वितो

<sup>१</sup> Cf. Saṅkhapāla Jātaka, Jātaka, Vol. V, 161-171.

ततियो परिच्छेदो

## नेक्खम्म पारमिता

### १-युधञ्जय-चरियं<sup>१</sup> ।

यदा अहं अमितयसो राजपुत्तो युधञ्जयो  
उम्मावबिन्दुं सुरियातपे पतितं दिम्बान संविजि ॥१॥  
तञ्जो वाधिपतिकत्वा संवेगमनुब्रूहियिं  
माता पितु च वन्दित्वा पट्टवज्जमनुयाचहं ॥२॥  
याचन्ति मं पञ्जलिका सनेगमा सरट्ठवा  
अज्जेव पुत्त पटिपज्ज इद्धं फीतं महामहि ॥३॥  
सराजके सहोरोधे सनेगमे सरट्ठके  
करुणं पग्गिदेवन्ते अनपेक्खो हि पट्टवज्जि ॥४॥  
केवलं पठविरज्जं ज्ञातिपरिजिनं यमं  
चजमानो न चिन्तेमि बोधियायेव कारणा ॥५॥  
माता पिता न मे देस्सा न पि देस्सं महायसं  
मट्टवज्जुत्तम्पियं मट्ठं तस्मा रज्जं परिच्चजिन्ति ॥६॥

### २-सोमनस्स-चरियं<sup>२</sup> ।

पुनापरं यदा होमि इन्दपट्ठे पुरुत्तमे  
कामितो दयितो पुत्तो सोमनस्सोति विस्सुतो ॥१॥

<sup>१</sup> Cf. Yuvan̄jaya Jātaka, Jātaka, Vol. IV, 119-123.

<sup>२</sup> Cf. Somanassa Jātaka, Jātaka, Vol. IV, 444-454.

सीलवा गुणसम्पन्नो कल्याणपटिभानवा  
 बुद्धापचायि हिरिमा सङ्गहेसु च कोविदो ॥२॥  
 तस्स रञ्जो पतिकरो आसि कुहक-त्तापसो  
 आरामं मालावच्छञ्च रोपित्वान सो जीवति ॥३॥  
 तमहं दिस्वान कुहकं धुसरासिं व अतण्डुलं  
 दुमं अन्तो च सुसिरं कदालिं व असारकं ॥४॥  
 नत्थिमस्स सतं धम्मो सामञ्जापगतो अयं  
 हिरिमुक्कधम्मज्झितो जीवितवुत्तिकारणा ॥५॥  
 कुपितो अहोसि पच्चन्तो अटवीहि परन्तिहि  
 तं निसेधेतुं गच्छन्तो अनुसासि पिता ममं ॥६॥  
 मा पमज्जि तुवं तात जटिलं उगतापनं  
 यदिच्छकं पवत्तेहि सव्वकामददोहि सो ॥७॥  
 तमहं गन्त्वानुपट्टानं इदं वचनमब्रवि  
 कच्चि ते गहपति कुसलं, किं वा ते आहग्गियतु ॥८॥  
 तेन सो कुपितो आसि कुहको माननिस्सितो  
 धातापेमि तुवं अज्ज रट्ठा पब्बाजयामि वा ॥९॥  
 निसेधयित्वा पच्चन्तं राजा कुहकमब्रवि  
 कच्चि ते भन्ते खमनीयं सम्मानो ते पवत्तितो  
 तस्स आचिकव्धनि पापो कुमारो यथा नासितो ॥१०॥  
 तस्स तं वचनं सुत्वा आनापेमि महीपति  
 सीमं तत्थेव छिन्दित्वा कत्वा न चतुखण्डिकं  
 रथिया रथियं दस्सेथ सा गति जटिलहीलिता ॥११॥  
 तत्थञ्कारुणिका गन्त्वा चण्डालुद्धा अकारुणा  
 मातुअङ्गके निमिन्नस्स आकङ्खित्वा नयन्ति मं ॥१२॥  
 तेसाहं एवमवचं—वत्थनं गालहवत्थनं  
 रञ्जो दस्सेथ मं खिप्पं राजकिरियानि अत्थि मे ॥१३॥  
 ते मं रञ्जो दस्सायिसु पापस्स पापसेविनो  
 दिस्वान तं सञ्जापेसि ममञ्च वसनागि ॥१४॥  
 सो मं तत्थ खमापेमि महारज्जं अदामि मे  
 सोहं तमं दालयेत्वा पब्बाजि अनगारियं ॥१५॥  
 न मे देस्सं महारज्जं कामभोगो न देस्सियो  
 सव्वञ्जुतम्पियं मय्हं तस्मा रज्जं परिच्चजिन्ति ॥१६॥



### ३-अयोधर-चरियं<sup>१</sup> ।

पुनापरं यदा होमि कासिराजस्स अत्रजो  
 अयोधरमिह संवड्ढो नामेनासि अयोधोरो ॥१॥  
 दुक्खेन जीविको लद्धो सम्पीले. पतिपोसितो  
 अज्जेव पुत्तपटिपज्ज केवलं वसुधं इमं ॥२॥  
 सरट्ठकं सनिगमं सजनं वन्दित्वा खत्तियं  
 अज्जलिं पग्गहेत्वान इदं वचनमब्रवि ॥३॥  
 ये केचि महिया सत्ता हीनमुक्कट्ठमज्झिमा  
 निरारक्खा सके गेहे वड्ढन्ति सह ज्ञातिभि ॥४॥  
 इदं लोके उत्तरीयं सम्पीले. मग पोमनं  
 अयोधरमिह संवड्ढो अप्पभे चन्दमुरिये ॥५॥  
 पूतिकुणपसम्पुण्णा मुच्चित्त्वा मातुकुच्छितो  
 ततो धोरनरे दुक्खे पुन पक्खित्तयोधरे ॥६॥  
 यदिऽहं तादिसं पत्वा दुक्खं परमदारुणं  
 रज्जेसु यदि रज्जामि पापानमुत्तमो मियं ॥७॥  
 उक्कण्ठितोऽमिह कायेन रज्जेनऽमिह अन्तत्थिको  
 निव्वृत्तिं परियेसिस्सं यत्थ मं मच्चु न मद्दिये ॥८॥  
 एवाहं चिन्तयित्वान विरवन्तं महाजनं  
 नागो व बन्धनं छेत्वा पाविसि काननं वनं ॥९॥  
 माता पिता न मे देस्सा न पि मे देस्सं महायसं  
 सब्बञ्जुतम्पियं मय्हं तस्मा रज्जं परिच्चजिन्ति ॥१०॥

### ४-भीस-चरियं<sup>२</sup> ।

पुनापरं यदा होमि कासिनं पुरवरुत्तमे  
 भगिनी भातरो सत्त निव्वत्ता सोत्थिये कुले ॥१॥  
 एतेसं पुब्वजो आसिं हिरिसुक्कमुपागतो  
 भवं दिस्वान भयतो नेक्खम्माभिरतो अहं ॥२॥

<sup>१</sup> Cf. Ayoghara Jātaka, Jātaka, Vol IV, 491-499.

<sup>२</sup> Cf. Bhisa Jātaka, Jātaka IV, 304-314.

मातापितृहि पहिता सहाया एकमानसा  
 कामेहि मं निमन्तेन्ति कुलवंसं धारेहीति ॥३॥  
 यं तेसं वचनं वुत्तं गिहीधम्मं सुखावहं  
 तं मे अहोसि कठिनं तत्तफालसमं विय ॥४॥  
 ते मं तदा उक्खिपन्तं पुच्छिंमु पत्थितं मम  
 किं त्वं पत्थयसि सम्म यदि कामे न भुञ्जसि ॥५॥  
 तेसाहं एवं अवचं अत्थकामो हितेसिनं  
 नाहं पत्थेमि गिहीभावं नेक्खम्माभिरतो अहं ॥६॥  
 ते मय्हं वचनं सुत्वा पितुमातु च सावेय्युं  
 माता पिता एवमाहु—सब्बेपि पब्बज्जाम भो ॥७॥  
 उभो मातापिता मय्हं भगिनी च सत्त भातरो  
 अमितधनं छड्ढयित्वा पाविसिम्हा महावनन्ति ॥८॥

### ५—सोणपण्डित-चरियं<sup>१</sup> ।

पुनापरं यदा होमि नगरे ब्रह्मवड्ढने<sup>२</sup>  
 तत्थ कुलवरे सेट्ठे महासाले अजायहं ॥१॥  
 तदापि लोकं दिस्वान अन्धभूतं तमोत्थतं  
 चित्तं भवतो पटिकुटति तुत्तवेगहतं विय ॥२॥  
 दिस्वान विविधं पापं एवं चित्तेसहं तदा  
 कदाहं गेहा निक्खम्म पविसिस्सामि काननं ॥३॥  
 तदापि मं निमन्तिंमु कामभोगेहि ज्ञातयो  
 तेसम्पि छन्दमाचिक्खि मा निमन्तेथ तेहि मं ॥४॥  
 यो मे कनिट्ठको भाता नन्दो नामासि पण्डितो  
 सो पि मं अनुसिक्खन्तो पब्बज्जं समरोचयि ॥५॥  
 अहं सोणो च नन्दो च उभो माता पिता मम  
 तदापि भोगे छड्ढेत्वा पविसिम्हा महावनन्ति ॥६॥

<sup>१</sup> Cf. Soṇa-Nanda Jātaka, Jātaka, Vol. V, 312-332.

<sup>२</sup> Another name of Bānārasī, Jātaka, Vol. IV, p. 190.

चतुर्थो परिच्छेदो

## अधिष्ठानपारमिता

तेमिय-चरियं<sup>१</sup> ।

पुनापरं यदा होमि कासिराजस्स अत्रजो  
मूगपक्खो ति नामेन तेमियोति वदन्ति मं ॥१॥  
सोलसित्थिसहस्सानं न विज्जति पुमो तदा  
अहोरत्तानं अच्चयेन निब्बत्तो अहमेकको ॥२॥  
किच्छा लद्धम्पियं पुत्तं अभिजातं जुनिन्धरं  
सेतच्छत्तं धारयित्वान मयने पोमेति मं पिता ॥३॥  
निदायमानो सयनवरे पबुज्झित्वानहं तदा  
अह्मं पण्डरं छत्तं येनाहं निरयं गतो ॥४॥  
मह दिट्ठस्स मे छत्तं तासो उप्पज्जि भेरवो  
विनिच्छयं समापन्नो कदाहं इमं मुच्चिस्सं ॥५॥  
पुब्बमालोहिता मय्हं देवता अत्थकामिनी  
सा मं दिस्वान दुक्खितं तीसु ठानेसु योजयि ॥६॥  
मा पण्डच्चं (पण्डच्चयं) विभावय बहुमतं सप्पाणितं  
सब्बो जनो ओचिनायतु एवं अत्थो भविस्सति ॥७॥  
एवं वुत्तायइहं तस्सा इदं वचनमब्रवि  
करोमि ते तं वचनं यं त्वं भणसि देवते ॥८॥  
अत्थ कामासि मे अम्म हितकामासि देवते  
तस्माहं वचनं सुत्वा सागरे व थलं लभि ॥९॥

<sup>१</sup> Cf. 'Temiya Jātaka, (mūgapakkha) Jātaka, Vol. VI, 1-30.

हट्ठो संविग्गमानसो तयो अंगे अधिट्ठहिं  
 मूगो अहोसिं बधिरो पक्खो गतिविवज्जितो ॥१०॥  
 एते अंगे अधिट्ठाय वस्सानि (नं) सोलसं वसि  
 ततो मे हत्थपादे च जिह्वं सोतञ्ज मद्दिय  
 अनुनतं मे पस्सित्वा कालकणीति निन्दि (दि) सुं ॥११॥  
 ततो जनपदा सब्बे सेनापतिपुरोहिता  
 सब्बे एकमना हुत्वा छड्डुनं अनुमोदिंसु ॥१२॥  
 सोऽहं तेसं मत्तिं मुत्वा हट्ठो संविग्गमानसो  
 यस्सत्थाय तपो चिण्णो सो मे अत्थो समिज्जथ ॥१३॥  
 नहापेत्वा अनुलिम्पित्वा वेठेत्वा राजवेठनं  
 छत्तेन अभिमिञ्चित्वा कारेसुं पुरपदक्खिणं ॥१४॥  
 मत्ताहं धारयित्वान उग्गते रविमण्डले  
 रथेन मं तीहरित्वा मारथी वनमुपागमि ॥१५॥  
 एकोकामे रथं कत्वा सज्जस्सं हत्थमुञ्चितो (तं)  
 मारथिं खणति कामं निखातुं पठविया मम ॥१६॥  
 अधिट्ठित्तमधिट्ठानं तज्जन्तो विविधकारणा  
 न भिन्दि व तमधिट्ठानं बोधिया येव कारणा ॥१७॥  
 मातापिता न मे देस्सा अत्ता न मे च देम्मियो  
 मत्तवञ्जानम्पियं मय्हं तस्मा व तमधिट्ठहिं ॥१८॥  
 एते अंगे अधिट्ठाय वस्सानि सोलसं वसि  
 अधिट्ठानेन समो नत्थि एसा मे अधिट्ठानपारमीनि ॥१९॥

अधिट्ठानपारमिता निट्ठिता

पञ्चमो परिच्छेदो

## सच्चपारमिता

### १-कपिराज-चरियं<sup>१</sup> ।

यदा अहं कपि आसि नदीकूले दरीसये  
पीलितो सुसुमारेन गमनं न लभामिऽहं ॥१॥  
यम्होकासे अहं ठत्वा ओरपारं पतामहं  
तत्थऽच्छि सत्थु-बधको कुम्भिलो रुद्धस्सनो ॥२॥  
सो मं असंसि एहीति, अहमेमीति तं वदि  
तस्स मत्थकमक्कम्म परकूले पतिठ्ठहि ॥३॥  
न तस्स अलिकं भणितं यथा वाचं अकासहं  
सच्चेन मे समो नत्थि एसा मे सच्चपारमीति ॥४॥

---

### २-सच्चसव्हयपण्डित-चरियं<sup>२</sup> ।

पुनापरं यदा होमि तापसो सच्चसव्हया  
सच्चेन लोकं पालेसि समगं जनमकासहन्ति ॥१॥

---

### ३-वट्टपोतक-चरियं<sup>३</sup> ।

पुनापरं यदा होमि मगधे वट्टपोतको  
अजातपक्खो तरुणो मंसपेसि कुलावके ॥१॥

---

<sup>१</sup> Cf. Kapi-Jātaka, Jātaka, Vol. II, 268-270.

<sup>२</sup> Cf. Saccaṅkīra-Jātaka, Jātaka, Vol. I, 322-327.

<sup>३</sup> Cf. Vatṭa-Jātaka, Jātaka, Vol. I, 212-215.

मुखतुण्डकेनाहरित्वा माता पोसयति ममं  
 तस्सा फस्सेन जीवामि नऽत्थि मे कायिकं बलं ॥२॥  
 संवच्छरे गिम्हसमये दावडाहो पदिप्पति  
 उपगच्छति अम्हाकं पावको कण्हवत्तनी ॥३॥  
 धूमधूमञ्जनित्वेवं सदायन्तो महा सिखी  
 अनुपुब्बेन ज्ञापेन्तो अग्गि मममुपागमि ॥४॥  
 अग्गिवेगभया भीता तसिता मातापिता मम  
 कुलावके मं छड्डेत्वा अन्नानं परिमोचयुं ॥५॥  
 पादे पक्खे पजहामि नत्थिमे कायिकं बलं  
 सोहं अगतिको तत्थ एवं चिन्तेसहं तदा ॥६॥  
 येसाहं उपधावेय्यं भीतो तसितवेधितो  
 ते मं ओहाय पक्कन्ता कथं मे अज्ज कातवे ॥७॥  
 अत्थि लोके सीलगुणो सच्चं सोचेय्यनुदया  
 तेन सच्चेन काहामि सच्चकिरियमुत्तमं ॥८॥  
 आवज्जेत्वा धम्मबलं सरित्वा पुब्बके जिने  
 सच्चवलमवस्साय सच्चकिरियमकासहं ॥९॥  
 सन्ति पक्खा अपतना सन्ति पादा अवञ्चना  
 माना पिता च निक्खन्ता जातवेदपटिक्कम ॥१०॥  
 सह सच्चे कते मय्हं महापज्जलिको सिखी  
 वज्जेसि सोलस करीमानि उदकं पत्त्वा यथा सिखी  
 सच्चेन मे समो नत्थि एसा मे सच्चपारमीनि ॥११॥

### ४-मच्छराज-चरियं<sup>१</sup> ।

पुनापरं यदाहोमि मच्छराजा महासरे  
 उण्हे सुरियमन्तापे सरे उदकं खीयथ ॥१॥  
 ततो काका च गिज्झा च वका कुललसेनका  
 भक्खयन्ति दिवा रत्ति मच्छे उपनिसीदिय ॥२॥

<sup>१</sup> Cf. Maccha-Jātaka, Jātaka, Vol. I, 210—212.

एवं चिन्तेसहं तत्थ सह जातीहि पीलितो  
 केन नु खो उपायेन जाती दुक्खा पमोचये ॥३॥  
 विचिन्तयित्वा धम्मत्थं सच्चं अद्दस पस्सयं  
 सच्चे ठत्वा पमोचेसि जातीनं तं अतिकवयं ॥४॥  
 अनुस्सरित्वा सद्धम्मं परमत्थं विचिन्तयं  
 आकासिं सच्चकिरियं यं लोके धुवसस्सतं ॥५॥  
 यतो सरामि अत्तानं यतो पत्तोस्मि विञ्चुतं  
 नाभिजानामि सञ्चिच्च एकम्पाणं विहिंसितं  
 एतेन सच्चवज्जेन पज्जुन्नो अभिवस्सतु ॥६॥  
 अभित्थनय पज्जुन्न निधिं काकस्स नासय  
 काकं सोकाय रुद्धेहि मच्छे सोका पमोचय ॥७॥  
 सह कते सच्चवरे पज्जुन्नो चभिगज्जिय  
 थलं निन्नञ्च पूरेन्तो खणेन अभिवस्सथ ॥८॥  
 एव रूपं सच्चवरं कत्वा विरियमुत्तमं  
 वस्सापेसि महामेघं सच्चतेजबलस्मितो  
 सच्चेन मे समो नत्थि एसा मे सच्चपारमीति ॥९॥

### ५-कण्हदीपायन-चरियं<sup>१</sup> ।

पुनापरं यदा होमि कण्हदीपायनो इसि  
 परो पञ्चासवस्सानि अनभिरतो वरि अहं ॥१॥  
 न कोचि एतं जानाति अनभिरतिमनं मम  
 अहम्पि कस्सचिनाचिक्खि अरति मे रतिमानमे ॥२॥  
 सन्नद्धाचारी मण्डव्यो सहायो मे महा इसि  
 पुब्बकम्मसमायुत्तो मूलमारोपणं लभि ॥३॥  
 तमहं उपट्ठहित्वान आरोग्यमनुपापयि  
 आपुच्छित्वान आगच्छि यं मय्हं सकमस्समं ॥४॥  
 सहायो ब्राह्मणो मय्हं भरियमादाय पुत्तकं  
 तयो जना समागन्त्वा आगच्छुं पाहुतागतं ॥५॥

<sup>१</sup> Cf. Kanpadīpayuna-Jātaka, Jātaka, Vol. IV, 27-37.

सम्मोदमानो तेति सह निमिन्नो सकमस्समे  
 दारको वट्टमनुक्खिपं आसीविसमकोपयि ॥६॥  
 ततो सो वट्टगतं मग्गं अन्नेसन्तो कुमारको  
 आसीविसस्स हथेन उत्तमङ्गं परामसि ॥७॥  
 तस्स आमसने कुड्डो सप्पो विसवलस्मितो  
 कुपितो परमकोपेन अदंसि दारकं खणे ॥८॥  
 सह दट्ठो अतिविसेन दारको पतित भूमियं  
 तेनाहं दुक्खितो आसि मम वाहसितं दुक्खं ॥९॥  
 त्याहं अस्सासयित्वान दुक्खिते सोकसल्लिते  
 पठमं अकामि किरियं अग्गं सच्चं वरुत्तमं ॥१०॥  
 सत्ताहमेवाहं पसन्नचित्तो  
 पुञ्ञात्थिको अचरी ब्रह्मचरियं  
 अथापरं यं चरिन् ममयिदं  
 वस्सानि पञ्ञास समाधिकानि ॥११॥  
 अकामको वाहि अहं चरामि  
 एतेन सच्चेन सुवत्थि होतु  
 हतं विसं जीवतु यञ्ञदत्तो ॥१२॥  
 सह सच्चे कते मय्हं विसवेगेन वेधितो  
 अबुज्झित्वान वुट्ठामि आरोगो चामि मानवो  
 सच्चेन मे समो नत्थि एसा मे सच्चपारमीति ॥१३॥

### ६—सुतसोम-चरियं ।

पुनापरं यदा होमि सुतसोमो महीपति  
 गहितो पोरिसादेन ब्राह्मणे सङ्करं सरि ॥१॥  
 खत्तियानं एकसतं आवुनित्वा करतले  
 एते सम्पमिलापेत्वा यञ्ञत्थे उपनयि ममं ॥२॥  
 अपुच्छि मं पोरिसादो किं त्वं इच्छसि निस्सज्जं ?  
 यथा मति ते काहामि यदि मे त्वं पुनेहिसि ॥३॥  
 तस्स पटिसुनित्वान पण्हे आगमनं मम  
 उपगन्त्वा पुरं रम्मं रज्जं नित्यादयिं तदा ॥४॥



अनुस्सरित्वा सतं धम्मं पुब्बकं जिनसेवितं  
 ब्राह्मणस्स धनं दत्त्वा पोरिसादं उपागमि ॥५॥  
 नत्थि मे संसयो तत्थ घातयिस्सति वा न वा  
 सच्चवाचानुरक्खन्तो जीवितञ्चजितुमुपागमि  
 सच्चवेन मे समो नत्थि एसा मे सच्च पारमीति ॥६॥  
 सच्चपारमिता निट्ठिता ॥

---

वृद्धो परिच्छेदो

## मेत्तापारमिता

### १-सुवण्णसाम-चरियं<sup>१</sup> ।

सामो यदा वने आसिं सक्केन अभिनिम्मितो  
पवने सीहव्यग्घे च मेत्तायमुपनामयि ॥१॥  
सीहव्यग्घेहि दीपेहि अच्छेहि महिसेहि च  
पसदमिगवराहेहि परिवारेत्वा वने वसि ॥२॥  
न मं कोचि उत्तस्सति न पि भायामि कस्सचि  
मेत्ताबलेनुपत्थद्धो रमामि पवने तदा ॥३॥

---

### २-एकराज-चरियं<sup>२</sup> ।

पुनापरं यदाहोमि एकराजाति विस्सुतो  
परमं सीलमधिट्ठाय पसासामि महामहि ॥१॥  
दसकुसलकम्मपथे वत्तामि अतवसेसतो  
चतूहि सङ्गहवत्थूहि सङ्गण्हामि महाजनं ॥२॥  
एवं मे अप्पमत्तस्स इदलोकं परत्थ च  
दब्बसेनो उपागन्त्वा अच्छिन्दन्तो पुरं ममं ॥३॥  
राजूपजीवे निगमे सबलट्ठे सरलट्ठके  
सब्बं हत्थगतं कत्वा कामुया निक्खनि ममं ॥४॥

<sup>१</sup> Cf. Sāma Jātaka, Jātaka, Vol. VI, 61—95.

<sup>२</sup> Cf. Ekarāja-Jātaka, Jātaka, Vol. III, 13—15.

अमच्च मण्डलं रज्जं फीतं अन्ते पुरं मम  
अच्छिन्दित्वान गहितं पियं पुत्तं व पस्सहं  
मेत्ताय मे समो नत्थि एसा मे मेत्तापारमीति ॥ ५ ॥  
मेत्तापारमिता निट्ठिता

---

## उपेक्खापारमिता

### ३-महालोमहंस चरियं<sup>१</sup> ।

सुसाने सेय्यं कप्पेमि छवठ्ठिकं (उप) निधायहं  
गा (गो) मण्डला उपगन्त्वा रूपं दस्सेन्तिऽनप्पकं ॥१॥  
अपरे गन्धञ्च मालञ्च भोजनं विविधं बहुं  
उपायनान्युपनेन्ति हट्ठा संविग्गमानसा ॥२॥  
ये मे दुक्खं उपदहन्ति ये च देन्ति सुखं मम  
सब्बेसं समको होमि दयकोपो न विज्जति ॥३॥  
मुखदुक्खे तुलाभूतो यसेमु अयसेमु च  
सब्बत्थ समको होमि एसा मे उपेक्खापारमीति ॥४॥

उपेक्खापारमितानिट्ठिता ।

---

युधञ्जयो, सोमनस्सो, अयोधरभिसेन च  
सोणदण्डो, मूगपक्खो, कपिराजा, सच्चसव्हयो ॥५॥  
वट्टको, मच्छराजा, च कण्हदीपायनो इसि  
सुत्तसोमो, पुन आसि सामो, च एकराजहु  
उपेक्खापारमी आसि इति वुत्तं महेसिना ॥६॥  
एवं बहुविधं दुक्खं सम्पत्तिं च बहुविधा  
भवाभवे अनुभवित्वा पत्तो सम्बोधिमुत्तमं ॥७॥  
दत्त्वा दातब्बकं दानं, सीलं पूरेत्वा असेसतो,  
निकखम्मे पारमिं गत्त्वा, पत्तो सम्बोधिमुत्तमं ॥८॥

---

<sup>१</sup> Cf. Lomahansa-Jātaka, Jātaka, Vol. I, ३८९—३९१.

पण्डिते परिपुच्छित्वा, विरियं कत्वानमुत्तमं,  
 खन्तिया पारमिं गन्त्वा, पत्तो सम्बोधि मुत्तमं ॥१॥  
 कत्वा दल्हं अधिठ्ठानं, सच्चवाचानुरक्खिया,  
 मेत्ताय पारमिं गन्वा पत्तो सम्बोधिमुत्तमं ॥१०॥  
 लाभालाभे यसायसे समाननावमानने  
 सब्बत्थ समानो हुत्वा, पत्तो सम्बोधिमुत्तमं ॥११॥  
 कोसज्जं भयतो दिस्वा विरियारम्भं च खेमतो  
 आरद्ध विरिया होथ एसा बुद्धानुसासनी ॥१२॥  
 विवादं भयतो दिस्वा अविवादञ्च खेमतो  
 समग्गा अखिला होथ एसा बुद्धानुसासनी ॥१३॥  
 पमादं भयतो दिस्वा अप्पमादञ्च खेमतो  
 भावे अट्ठङ्गिकं (भावेथट्ठङ्गिकं) मग्गं एसा बुद्धानुसासनी ॥१४॥  
 इत्थं सुदं भगवा अत्तनो पुब्बचरियं सम्भावियमानो बुद्धापदानि  
 यन्नाम धम्मपारियायंपटसित्था ति ॥  
 चरियापिटकं निट्ठं (चरियापिटक पालि समत्ता) ॥

